

奇

觚

廩

詩

集

奇觚願詩集卷下

長洲葉昌熾

壬子

題鄧州舍利塔拓本後卽呈遼翰方伯叔彥太史

十鼓陳倉縱不如石中名筆是蒼舒道場何似栖巖本官廨

還同鎮庫書

石在大梁藩庫

六道轉輪資般若千金韞匱肯沽諸中

州得見眞隋刻始信人間有墨豬

都門厥肆見摹本癡肥無復神采

夷門爲我語侯生海宇蜩蟬與沸羹世出世間宏濟度人非
人等烈燔阮溪堂墨癖新收得沙界金塗錯鑄成三十州今
無淨土好携石友共歸耕

四月十一日王淑人忌辰化去二年矣疊前韻感賦

芭蕉得似我心如一度淒風一卷舒亡國涕洟揮已盡閑家
婉婉罄難書三乘早悟權兼實六飲能名濫卽諸逮下如君
心儻慰有符且莫問龍豬

淨土君今得往生三年偕隱共薊蕘舊游回首蘭舟渡羣盜

如毛豆子阮松檜九京先化去芰荷初服賴縫成靈巖月色

還如昨忍向槃邁說耦耕

自隴上歸卽卜居於濱上
之逆初圍蘭舟渡在其東

沈存中夢溪筆談元大德刊爲津逮祖本芸巢前輩以兩本

見借得參校一過賦謝二律再疊前韻

九鼎中原敝屣如熙豐新法設荆舒權門不諱山公啟市舶
先求海客書斫市相迎惟阿若入宮竊發卽專諸州元寂寞
雲亭裏博奕猶賢況牧豬

華州已失兩狂生談古何堪骨董羹津逮本如杜陵屢海通

前有石油院

湯修年刻筆談以養士津逮秘書本即律之出

他見筆談存中精研物學攷工疇人之術言

之甚詳今陝北所出煤油即宋時舊院也

猗寮子略先甄

錄玉局方書共集成

謂蘇沈良方

莫問春明坊畔宅閉門抱甕且

躬耕

再寄芸巢索和三疊前韻

百城南面徹侯如古事終當問仲舒叔後難言王命論醉來

重廣絕交書衣冠塗地將焉託鐘簣神京已忽諸亦似僑屋

淪謫客但吟竹籟嗽花豬

可園憶集魯諸生道味紛輪飫太羹禮器雲雷藏石室扁舟

風雪話銅院

校舍紅梅十餘株花時携尊相對軍話銅院之勝

狂瀾欲挽滔滔去同

人壽下
谷悲歌咄咄成鴻鵠高翔非不早試看臚上幾人耕

讀易碩父觀察翦髮詩悲憤之詞出以俳諧之體淋漓痛快
如聞漁陽操搗陳伯嚴同年謂能令人笑亦令人哭欲哭
則淚已盡戲綴短章聊效其體亦不足供捧腹也

魑魅罔兩何世界嬉笑怒罵皆文章天地既閉賢人隱文武
不作大道亡官府口目出臍乳原塗膏血交蹏迓爾公爾侯
氏相柳非中非外生空桑俟河可清歲不與移山無術道且
長豈眞子羽畏頭責泰華今日爭毫芒

芸巢園杏結實函來見餉四疊前韻賦謝

甘露明珠色相如好從淨土證龍舒朱櫻等是園官產青李
慙無內史書桑柘濃時堪作藉梅桃熟後共爲諸贈人莫謂

非肝味亦果先生一樹精

飯顆山頭太瘦生。昨宵食指動龍羹。脆於梨削登陳座。淨比蓮華脫業坑。上苑未忘青瑣夢。故園又見綠陰成。殷時休共膽蒲記。黛耜何年出省畊。

粲若表弟仲午同學各贈枇杷色白顆小味甘如蜜真洞庭西山產也五疊前韻賦謝

閉戶調飢正怒如清涼。一劑病懷舒石榴。時節登嘉實。虛齋方言證。故書風味新。嘗呼便了月華待。上挹方諸藐姑仙子。膚如雪。卻笑楊梅是癩豬。

家鄉果是洞庭生。豈若尊爲千里羹。白映汀沙堆茗椀。黃分崖蜜釀花甌。款冬巖下開花過。銷夏灣頭結實成。本是洞天

棲隱地仙人招手喚龍耕

芸巢前輩兩賜和章一字一珠再接再厲籍湜走且僵矣輒不自量再以兩律呈教六疊前韻

日長閒似小年如天爲衰齡駐望舒開徑壺觴三益友杜門

姓字兩同書龍胡墜地難攀及

戊申國恤小臣已歸林下

鶉首慙天竟翦

諸竈下中郎何足異海東官有馬牛豬

何以銷憂有麴生世途吹瀝爲懲羹鐙傳黃檗牆隅寺

君所居與

寶積寺爲鄰

硯試青花水底阮黨籍甘陵皆孟博經籍韋閥自元

成桃源卽在人間世不稅書田付後畊

聞都下舊雨風流雲散俯仰今昔慨然成篇七疊前韻再呈

芸巢前輩並懷佩鶴都護相緣學使

茂陵風雨病相如回首長安志未舒
櫛有靈蓍因玩易甌無

儲粟何求響鄭鄉親到傳勞喜燕市相從語望諸
炎惑訛言

今始驗月名在壯歲逢豬

武昌之變肇於去年辛亥八月

儼然臣本一書生簞豆粗知俱食羹
樂事無如游厥甸窮途

同寄繳家坑

甲午中日之戰盡室南歸於相緣同寓繳家坑彭子嘉農部宅

黃鐘蟬翼原無

定紫色龜聲訝竟成金薤堆牀籤
插架石田坐擁不堪耕

八疊前韻寄芸集

字字編珠綴玉如新詩瓶水本推舒
道鄉學派尊先集文館

詞林補佚書漆簡冢中傳不準
軺車海上訪無諸苦吟我已

髭拈斷堯舜居然騎病豬

豈獨雄談仗酈生封侯大半起
鯨鯢天無莽伏真人識地有

青燐戰士阮終是灌園家食吉不圖築室道謀成履霜集
由來漸鵠舌年年說並耕

奉和再韓前輩元韻

楊子草太元自投天祿閣廬陵傳一行老人有長樂吁嗟命
世英今無王景略厝火迴抱薪諱疾猶忌藥中風走且狂醜
正言不作吳中山水區雲巖連岸峒

獅山一名
昨峒山

文章揆春葩

淩霜不改夢迺亦隨六州同鑄天下錯高陽有才子壩篋和
林壑並易蟄龍蛇歌詩獻驚鶴昔惟秦不仁軹道銜壁縛豈
有唐虞朝太阿柄旁落不見元北狩和林碑可拓明祖不能
臣但有一擴廓

薩村前輩徵君谿集序既報命數次如耕韻兩章見貺又貽

新出唐何簡志打本天寶元年其妻隴西辛氏文婦人爲
夫誌墓潘王銘例所未詳也九疊前韻奉酬

石柱碑亭雖闕如荅谿家學衍龍舒

行簡先生幼即受知於從父龍舒字名握見韓

元吉

蒼厓待續新稱例墨沼驚披未見書文學婦人先德象

武功男子魏藏諸

武功男子藏諸首蒲淵記唐開成刻見劉燕庭三巴看古志

劫灰又際

唐天寶阿鞞宮中有李豬

駟車敬問六先生結醬蠓油海嶠羹霽水涼波思故國厓山

遺恨說空阮仙湖采藥蹤相左

余兩至粵皆在古公持節之前

客館聽楓句

乍成

古公所寓聽楓園卽吳氏二百蘭亭齋遺址

同是貞元舊朝士不言祠祿約

躬耕

張孟劬太守

爾田

寄示近作卽次其韻一首

棘下先生欲問誰談瀛無抹倒懸危我身久似匏瓜繫人性
昌言杞柳爲佳節未嘗開口笑殘年難遣撫髀悲龍蛇熱地
終須起壁立鯢淵水倒垂

八表同昏尙有誰操心慮患益深危微詞表自共和訖

世表序黃帝以來變體詩從板蕩爲烈士大招終不返

訖共和爲世表子公父溺人雖笑有同悲玉田小令挑燈讀河滿尊前一淚垂

再疊前韻示孟劬

青楊門巷索居誰豈僅言危行亦危畢竟憐夔惟虬爾始知
驅爵是鷗爲逃禪林下尋支遁將命門前拒孺悲安得摩厓
次山頌姓名竊附涪翁垂

日記四十一冊託始戊辰迄今年壬子四十五年矣排續歲

月標題起訖不勝今昔之感惘然賦此

凌晨起引鏡皓然兩鬢霜恹恹宵夢覺申旦忽已忘我生況
大寐歌哭尤無常眩人亦自訝巧歷安能詳開筭出掌錄堆
案一尺強蛇蚓不成字鼠蠹還重裝當其弄筆時涓涓導謨
觴盈科進以漸赴壑流方長高堂健無恙弟妹森成行初樂
在庭戶繼憂疲津梁豈知歲月悠一炊僅黃粱四十有五載
如火如電光報恩痛罔極養志慚無方我婦我兒女相攜赴
北邙卽今天池下宿草嗟已荒踽涼弔形影堅僻成膏肓周
衰況迹熄孔沒嗟道亡筮易得蜚遁色斯且高翔鹿豕相人
偶熊羆非我祥回視東海水一度塵又揚鄙事由少賤耿節
期晚香

先大夫避地歸得晚香掌額以爲安
陽佳瑞卽應之應事期不肖者甚厚

亘寒天地閉潛

六
曜龍蛇藏磨如逆旅客戒途思故鄉歸真返吾宅懸解師蒙
莊

癸丑

自題天發神識碑跋後有序

前在都門爲荆禮卿前輩跋天璽紀功碑舊稿藏篋中二
十五年矣今劉惹石參議得舊拓本屬送錄於後先有亡
友福山王文敏公暨蒿隱農部兩跋兩公逝矣惹石屬其
後賢漢父觀管君九學部從荆本轉錄披文園之遺稿墨
本如新際滄海之橫流青箱不墜禮堂有後愈於鄙人之
生也旌邱之戚羸博之痛悲來根觸情不自禁贅題長句
於後爲蛇畫足幸惹石之諒我也

梁甫恨逋竝恨峻八絕允推廣陵郡持向中原比梁鶴吳魏
森森抗筆陣巖山石室天璽年籌思亭後經再遷此本卽非
崇甯前甞推不損戈鋌全拔讎本爲劉氏學慈林慈石相後
先諸家圖釋析茫芴攷文可證飛龍篇昔從蒯異度荊州獲
借覩人言蘇建我朱育新說在前各自護同時作者牆東翁
說經硜硜援攷工墓草雖已宿家有渾濬沖父書能讀并好
寫紙上光氣猶熊熊嗟余童烏三歎息誓畀元文自收拾摩
挲老眼認舊題恍惚非熊夢在側海上新春雨復晴釘盤鱧
魚兼梅羹太子屏風候已久老來文字今漸平碑末初不署
姓名廣川東觀論足徵文爲華覈撰書者皇休明

輓陸文烈公

表裏河山有伏戎蕭牆甲起晉陽宮殺豈懸度空天險板蕩

捐生信鬼雄弓劍重來思召父干戈能執軼汪童一門奇節

還當闡周德雖衰運未終

公子亮臣太史同
殉子諡文節

寒山無病已先呻厝火中原歎積薪

公去吳之日集郡士大
夫飲於寒山寺憂深外

侮猶以三晉非海疆自慰豈知宗周之
禍不在四鄰交侵而在蕭牆之內也

豈料反戈皆悍卒不

因遺矢有强鄰茵馮未煖臣何罪鼎鑊如飴歿亦神一柱擎

天倫紀在不惟爲國爲君親

輓託恬洛尙書

不救睢陽奈賀蘭變巫險過百重灘楚氛市地誠元惡蜀道

摩天本大難鴿市魂歸東郭宅蛟宮凝染北溟瀾

公京邸在
東城大轉

鴿市革匪之亂皆由邪說
蔓延軍界遂致不可收拾

傷心先軫歸元日碧血模糊遍體

癡

家有吳興墨妙亭方趺圓碣裹甌青臘丁歐亞之間字孔甲
盤盂以上銘藏鼎大書拘邑伐下車先訪草堂靈綈袍流涕
平生誼笛韻山陽不忍聽

題徐積餘觀察紫琅訪碑圖

通州之狼山也有楊吳天祚題名

憶上聞思高閣望五狼山色隔江青未知中有楊吳刻不數

尋陽公主銘

四十年前與張仁卿廣文游虞山訪藥龕上人同登聞思閣隔窗遠眺五狼青霽正在雲帆煙

樹間尋陽公主墓誌在江都亦天祚刻

花蕊宮詞騎省集蜀都雕本出毋昭蘇題更得姚存蹟文物

中原媿小朝

龕赭烽煙接海門江流盡處小桃源洞天慙我無清祿但到

巢民水繪園

幼時避地如皋與通州接壤僑居三載往返皆由馬馱沙未嘗一登狼山也

不解平津錄訪碑過江無米莫爲炊

孫氏訪碑錄通州三屬無一刻

甌椎不

似航頭本晚出何妨祇一夔

滬濱雜詠

國破家亡後乘桴海上身道因橫議喪運到索居屯歌罟宵
來夢圖書劫外塵毗嵐風拍碎一擲詛陶輪

因樹申屠屋依然近市鬻刑天舞干戚山鬼導旗旄雞犬皆
种舉魚龍正怒號海天空闊處千里羨鴻翔

安步當車出途窮惘惘回鉤駟譁絕域般樂過遄臺鐙影圓
籠月車聲隱起雷爽鳩今在否徒使後人哀

不曉湘纍怨難言簪簪忠浮埃常蔽日空穴自來風身到滄

桑後名高仕隱中始知遺世樂門外卽蠶叢

迢然東海客席帽隱藜牀門泛鴟夷舸庭懸犢鼻桁據梧容
膝地封薜及肩牆敢謂庚桑楚所居畏壘穰

深巷三間屋危樓百葉窗乘灰嗟網密警枕數鐘撞歧路誰
奔馬重關莫吠厖歸帆非不挂江上有驚龍

長安居不易投効事歸耕自到五洲市還憂一豆羹室如懸
罄洗地以布金成何事青箱富齋鹽急治生

亦有僑居樂衣冠集永嘉羊求非俗客歐趙各專家念亂憂
成癖論文喜嗜痴一瓶同著錄相與辨麻沙

香山投老後皋廡賃春時共校然脂集爲謀沽酒資焚香添
篤耨捧硯拂留離白髮吾衰矣風懷未有詩

長此憂如疾狂來發浩歌河汾遺老在津滬寄公多晚節留
松鞠新亭泣黍禾汗青何代史且莫問荆駸

恭擬 隆裕皇太后輓詞

史臣珥筆纂彤匱燦館娥臺 聖德兼元輔功雖侔負展中
興事可繼 垂簾當知宗社安危計難泥宮庭內外嫌不見
宣仁元祐日亦從朱邸起龍潛

兩宮繼體倘 臨朝先後同符舜嗣堯漢室詎更王氏臘錢
塘邨有水雲謠纖兒撞壞方知痛耆獻留遺惜已彫 三后
在天靈不遠 神京風雨訴漂搖

堯年前度鶴言寒 先帝金棺待奉安 沖子受遺馮玉几
仙人揮淚下銅槃詔書大麓何曾禪坏土長陵尙未乾麥飯

清明今日節小臣海上繫南冠

四海三年過密音茫茫大陸際垂沈式微竊等黎侯寄不顯
能歌擊氏任卜世興周王命論配天祀夏聖慈心九筵
末命難言痛臣靡何時起灌尋

題徐積餘觀察小檀樂室勘詞圖

建安以後得偉長繡衣江左開文房宋廬雕本競流布學者

津逮始謨觴卽我亦蒙精槩贈金薤琳琅持作賸北朝程榮造象通州

狼山宋題名拓本皆君所贈喜從天水見留眞豈惟皖山能紀勝君輯有皖詞紀

勝樂府刊成絕妙詞婦人集可比然脂宮中傳誦猶花藥陌

上催歸是柳枝溯自花間首著錄家自編珠人漱玉輯本雖

標林下風雅音難語房中樂松江周銘林下詞選十四卷皆女子之作四庫附存目巾

箱惟是整籤題鐙盞誰能諧柄曲玉臺自古在君家又見香
籤出韓偓寫韻宜題綠斐軒著書最好青圍屋此君聊可伴
丹鉛笑指亭前萬竿竹別裁僞體見真詮乘趣何妨有外篇
海內論才推不櫛尊前索解到無絃表微上援元風雅夢內
衣冠拜秀野作者九京若有知定有佩環來月下劫後美人
香草情雨絲風片過清明不堪海上逢佳節獨自樓頭歌倚
聲絕好迎陵圖後事一時佳話付虹亭

贈秦佩鶴侍郎卽題其詩稿後

束髮論交鬢已絲況從劫後把君詩河山欲下遺民淚海市
難爲巧婦炊唱和常如臨頓里興亡又到義熙時卽今避地
猶安隱無事車來載餽師

回首承明著作庭蜀莊今共歎沈冥江亭蓮社無消息淮海
蘇門有典型塗地衣冠流寓志刑天干戚大荒經墨雲堂是

詞臣額先後題詩在御屏

君所居墨雲堂爲孫侍郎岳頌賜第

澡豆

翛然新沐起彈冠更挹清泉注頰榮讀書爲防寒具近談禪
可作淨名觀緇衣作客遑言瘁白壁逢人善索瘢舊染新機
聊自警潔心容易洗心難

牙粉

太華峰頭石室方不虞羚羊角叩金剛

海上售者品類至多余所用以金剛石爲標識

戎來青海參鹽味仙去藍橋賸玉漿解穢豈惟能辟蠹補牢
終莫救亡羊可憐吮乳張丞相瓠子空勞再設防

興化李審言明經

詳

江以北學者也介積餘觀察過訪投詩

爲贊卽次原韻奉答

蠶鼻高高五丁闢誰舉百鈞惟賁獲擊虞流別論文章詩到
張爲圖主客其言粗可導謨觴未必溯源自碣石抱經昔聞
盧弔弓今來海上逢李翁論詩家有文選學一字不苟崇賢
同膠言旁證在祧列蕭樓作者何忿忿惟君著書日仰屋津
逮百家到滄瀆新詩贈我只餘事不數馬工與枚速服膺不
覺汗且僵握手相看髩已禿海市一塵非首陽廣陵自有履
道坊挈經老人全盛日海內河嶽星辰望甯塘弟子廣著錄
鶴壽況有名山藏人才不共市朝變君是題襟後來彥鄭堂
容甫有典型淮海英靈喜重見賞音昔已遇桓譚傳業今更

得劉炫

君舊爲荆禮卿前輩客今館劉
憲石參議玉海堂爲課其子弟

玉海堂客皆羊求巾

車欲駕悵阻修人間何世且莫問大者竊國小竊鈞不如共
享千金帚一掃茫茫萬古愁

簷笛

四面聲來宛楚歌小樓風雨奈愁何陌頭楊柳思家引海上
荏苒混世魔斫市儻逢楊阿若微廬甫告莽何羅霸陵欲出
還相戒政恐亭前醉尉多

簷鐘

燎原何地視層樓三界聲聞在上頭設簷迴非鳧氏製徒薪
先切杞人憂行軍部勒嚴區域傳命流行速置郵安得希聲
如太樂蒲牢寂寞海天秋

劉惹石參議贈唐崔忻井闢拓本用李審言詩韻賦謝

此石在金州旅順海口黃金山陰光緒乙未冬前任山東
登萊青兵備道劉含芳作石亭覆之其文曰勅持節宣勞
靺鞨使鴻臚卿崔忻井兩口口記驗開元二年五月十八
日

敦煌石室喜新闢上揜裴岑與侯獲闕特勤汗和林碑遠自
龍庭歸典客劉侯示我井闢銘又見黃金山下石軒然使筆
如使弓善射突過猿臂翁雕盤髣髴鶴銘勢字小難與摩厓
同沙沈浪淘過千載鯢淵歲月何恩恩封泰山銘大於屋銀
簡投龍秩祀瀆想見開元全盛時持節宣勞四牡速豈若移
中漢使書海上看羊節毛禿博陵崔等盧范陽宰相世系鳴

珂坊元宗初政有姚宋萬里鑿空非博望但宣國威綏東裔
毋不賓如麗王藏此井雖睂闌未變海東石交牘二彥其一
好大王巨碑歐趙平生皆未見可憐珍比珣玠琪碧眼賈胡
不知炫吁嗟乎長蛇荐食先流求藩籬一撤誰能修駸駸
糠漸及米猶闕九鼎爭射鉤摩挲片石三歎息白山東望風
雲愁

三疊前韻贈審言聞撰海上流人錄正在徵求事實此汝南
月旦評也以俟後賢不亦可乎并以諷之

蒯侯燕談過玉關一編胸中有野獲

蒯禮卿前輩熟於咸同以來朝野掌故君客素

淮館其家最久嘗述禮卿自言胸中有一部野獲編

山陽鄰笛有同悲況是鄭公老賓

客避地相逢玉海堂題名還憶鍾山石一字何如五石弓傳

經世無復仲翁喜君媚學老未効嗜好與我酸鹹同六家異

流源則一爲君更僕難恩恩秦南倉畔枕江屋家有顏井與

孔瀆雕龍一注雖未成

君爲禮卿注文雕龍未就

倚馬萬言不期速故

書豈僅刊別淮新說相從受元禿長沙瑞安如孫陽天驥騰

躍飛龍坊

君受知於瑞安黃漱蘭長沙王益吾兩學使

我如凡馬噤不動敢同龔

美抗魯望神州陸沈風雅息干莫出匣終然藏梅子熟時晴

雨變海上酒樓集羣彥春傭餠師皆吾徒同是流人鎮常見

但當避俗如避讎劍氣珠光莫輕炫洛下卽非何伯求刊章

安必無半修側身天地歎靡所如鳥避繳魚驚鉤鷄鳴風雨

苦相憶得見爭如未見愁

徐積餘觀察招海上流寓諸君子同集酒罷放歌四疊前韻

建安文軫徐

積餘劉石

關折東新亭辭不獲舉杯且復中聖人

濫竽曷嘗容俗客裨海以外談九州大戶當前飲一石睥然

長者陳仲弓

陳伯嚴同年三立

吾鄉繆翁

後珊與李翁

審侍御

胡瘦唐侍御思

敬

章疏挂人口觥觥直節臨川同

李梅庵觀蔡瑞清

蘇盒鄭君

孝胥吾

舊雨別二十載何恩恩螺浮後人

張菊生參議元濟

書滿屋家有涉

園在鹽漬同是黍離麥秀悲今日河山嗟太速道旁觀者驚

酒狂踊楮如闕跋眇禿威鳳一鳴在朝陽青驄回首宜南坊

爰居避風鴻漸野國門一出還北望嘉遯豈必在巖壑渺焉

一粟滄海藏白龍魚服須臾變憔悴承明舊時彥黃冠阜帽

共行吟曲突徙薪有先見江湖從此寄公多樓閣方驚化人

炫悠悠蒼天我何求谷音月社皆前修驅車驅車且歸去管

絃十里珠簾鉤松江晚潮正嗚咽盞盡今愁與古愁

五月十一日薨圃生日筱珊前輩招同王雪澂廉訪張菊生
參議徐積餘觀察南溥張石銘劉翰怡携藝風堂藏書有
薨翁題跋者開尊共酌卽席賦長句一首五疊前韻

倭宋主人一廬闢得書輒題快新獲姓名流略記必詳例援

淵翁與槎客

孫梅隱平津館吳兔牀拜
經樓皆有藏書題跋記

瞥然散落如雲煙藏

者摩挲共金石人亡人得等楚弓至今辨香爲復翁藝風老
人尤好事一尊樂與羣賢同精鈔名槧競羅列惜哉涉獵徒
恩恩着蕙籩兮羞荷屋配以長恩祭不瀆墜簡可補盞兼收
誤書細思無欲速几塵風葉待校讎媿我薑牙十指禿家家
羽陵與西陽千金市駿麻沙坊況隨估舶浮海去神山縹緲

煙波望君家鎮庫獨無恙鼇峰更數興公藏

是日稍餘亦携
士禮舊籍至

憶昔都門逢政變甘陵黨籍金閨彥今有靈鷲閣內書僑吳

一集吾曾見蠅頭小字手自題鴻爪重尋目爲炫

藝風所藏
鄭元祐僑

吳集江建赧太史舊物
戊戌在都門曾爲題識

我如漁仲以八求半囊清俸十庭修

銘心絕品覓不得但從真蹟留雙鉤不圖海上瑯環樂足慰
南冠遲暮愁

西圃師畫蘭十幅範卿水部所藏出以見示敬賦三絕

莫道丹青染未深畫禪拈出有金鍼外家文采偏同巷容易

家書贈杜林

香草相從賦考槃廿年前夢話長安四梅盍訪山中閣好與

松堂共歲寒

吾師有楊補之四梅花卷寶若珠璧因
在鄧尉墓廬築四梅閣以爲退居之所

娑羅花下一尊同坐我光風霽月中慙負披榛辛苦意願屋
樵悴不成叢昌熾丙子舉南闈先師以一筵爲贈並賜以詩曰辛苦披榛采始知是國香頭白無成幾何如矣

題沈筱韻遺像

沈生沈生昔吾友燕市來游歲辛丑登堂貽我青琅玕金薤

靈文世希有

筱韻脩士相見禮以趙承旨所書鮮于府君銘爲贄舊拓孤本也

爲言家富名

山藏阿翁嗜古等歐九熹平石經有殘字紙墨奇古重尊由

甌椎若論宋以下更僕未遑數某某子尋南歸我西邁子尙

譽髦吾胡考何時津逮得謨觴珍重歸田十年後豈知天道

難可論墓艸便旋宿已久披圖鶴立尙精神踞涼形骸賸老

醜三精霧塞九宇昏塗有榛菅門有莠顏天跼壽歲幾何蟬

蜺飄然謝氛垢芙蓉城闕在何許洪崖浮邱紛左右吁嗟乎
大壑藏舟負而走江岸沈碑在峴首桑海貿遷屈申肘世賤
詩書如鴛狗惟有君家一經守光怪充箱燭牛斗魂歸共享
千金帚

天真丸歌

有序

丸方見古方選注

隴上告歸歲餌天真丸斬卻疾馬齒雖增聰彊難老但修
合既艱梅雨時收藏尤不易自辛亥以後藥籠遂無此物
前兩年體大困今茲未秋先病徂冬始起瀕死者數矣先
醫推爲補方第一洵不誣也吾衰矣何可一日無此君詩
以頌之

海上禁方驚迂怪神仙安得有藥大何如經論出秦火後來

述者有金匱千金外臺今尙存蘇沈諸家此津逮聖人治病

治未病義取養營與益衛但使一暴非十寒鶴髮青瞳鎮常

在此方得自絳雪園作者先於葉薛輩

古方通注大醫王子接所輯相傳爲吾宗

天士先生之師

西昌國工有同論

謂喻嘉言

美意延年此爲最世傳方書

如東笥家握靈蛇贈瓊佩不言仙授卽鬼遺謂可濟生能拔

萃孟詵食療已非古晚出醫林更自檜嗟余蒲柳先秋零每

歎芳華及春歲林臯何物可駐顏惟此三年嘗蓄艾吾思天

眞二字義先天無形至精粹非以水火濟坎離劫劑更張二

豎崇從來選藥如選兵裘帶從容可爲帥

共藥七味從蓉爲君

獲芪羊

肉有同功各以君臣佐使配日計不足月有餘功卽未神罔

有害上古天真論第一發揮旁通理無礙人秉天地中以生

上壽不期皆百歲自幼至壯壯且老寒暑晦明風雨內彭殤
自昔論難齊跗扁至今功是賴谷神不死氣海溫有如良苗
資灌溉本經格論在靈蘭先聖微言炳著蔡何爲酒誥等俄
空揚解世未聞杜蕢大聲疾呼問世醫唯唯否否莫先對此
方書多著錄而尊古家皆以平
澹無奇置之世醫能知者更尠

神州陸沈故廬無恙長至舊節肅衣冠而修祀事家國之痛
交集於懷泣然賦此竊附下泉之後

午亥相傳汜歷樞天門神聽只須臾

後漢書郎顗傳詩祀歷
樞曰卯酉爲革政午亥

爲革命神在天門出入候
聽今茲國變適逢亥歲

黃冠未改臣初服赤制終爲帝演

圖事異桐宮歸太甲氣從葭室起中孚寢園麥飯今誰薦忍

見王孫泣路隅

書女笈

讀書一種是心勤膝下居然有左芬薰德香如蘭蕙染寄生
根豈薦蘿分老來鍵戶慙鳩拙幼解趨庭亦鯉聞鳩舌野言
須勘落好從絳幘訪宣文

前以長至詩呈叔彥太史既承賡唱復以選盒前輩和章見
貺鵲鵠之頌棠棣之碑不足喻也次原韻奉酬

老似流泉與戶樞苦吟但媿附韻與蘇門兼著長公錄栗里
如披高士圖麗藻連珠諧競病浮筠比玉作婪乎鶴鳴夜半
荀處義願侍先生論坐隅

再疊前韻奉酬選盒前輩叔彥太史

落時正達北方樞孰辨淄澠似易與

淮南子汜論訓史兒易
牙淄澠之合者嘗一哈

水而甘芳知之矣高誘注與見易卦齊之知味者閉戶焉知冀已收燎原早恐蔓難
圖但堪吏隱從梅福安得即潛起任乎松柏歲寒還自勵憑
君晚節淬廉隅

後漢書張純傳建武三十年請封禪奏曰今攝提之歲蒼龍
甲寅德在東宮宜及嘉時遵唐帝之典繼孝武之業明中
興勒功勳明年歲在闕逢攝提格孟陬之月萬象更新貞
下起元千載嘉會播之樂府宜有崧高常武之遺曲終奏
雅匪僕所能聊以爲頌云爾三疊前韻

木德東宮運斗樞攝提歲首在須臾龍蛇草澤銷兵氣麟雁
芝房獻瑞圖終有遺臣綿夏祀恭聞孺子作周孚新春帖子
中興頌無待占風到四隅

祀竈

多神與一神無神說又一談天棘下生中者淫風疾異乎吾
所聞先秦有師說竈爲老婦祭神在五祀列享嘗比先炊尊
無禮咸秩火王古以夏禮異郵表嘏今當息蜡時風土有沿
革無如吳俗禩古意遂寢失內省旣自疚流爲媚奧術謂神
司善惡赫然相在室有如漢計吏歲除課甲乙薦以膠牙餚
供帳及芻秣迎神與送神賓筵歌旣闕雲車風馬馳迢迢指
絳闕謂等明珠箱况先醴酒設旣醉舞僊僊欲言笑啞啞此
語出里巷丹青流不實我聞漢中興神爲善人出受慶管大
夫其後有陰識佐命自椒塗炎祚興焉淳龜紫繼長羅功高
次新息寒門本衰宗非敢攀鱗翼但願春陵鄉氏姓有四七

帶礪延山河雲臺通尺籍家薦一黃羊報功亦崇德書此達

神聽嘉平廿四日

甲寅

人曰

明哲經綸

四字見謝康樂述祖德詩卽以題門額

在見機幡然六十五年非蓬

蒿深巷聊藏拙薇蕨空山可療飢龍集遑知新歷改燕歸還

向舊巢依

自隴告歸以所居老屋讓於十弟遂歸顧氏緒完修葺輪奐一新閱三年華陽忽棄而至滬時余腐

居濱上遂初園聞之倍蓰其值以贖歸所田之復於今三年矣先春三日晴光麗特地壺中

駐夕暉

倉龍木德際元辰依舊桃符比屋新歲在闕逢剛建甲民初

荒忽憶生寅銀旛粉荔神前供白髮青衫劫後身記否建章

千萬戶九天閭闔賀頒春

立春

去年春作客今值兩頭春敬迓青皇駕蕭然白髮人
驚曉知改序龍蟄爲藏身歲歲鮮民痛椒盤又薦新

王蓬心山水歌爲林屋沈立之題

有序

亡友沈子堅明經有才子二長曰習之季字立之習之從
端忠愍慕驥足方展而忠愍殉國難習之又殤其愛子志
年遽以病歿立之撝其遺篋得王蓬心山水卷其在京師
所得也裝池徵題俯仰今昔不勝泣然率題長句以歸之
煙雨迷離雲漠漠寫出千巖與萬壑長橋接岸釣舟橫老屋
臨窗考槃樂飛潭百丈下懸厓散作旋渦起忽落是何靈境

我未知但見紙上元氣噴薄何淋漓作者誰永州太守老畫
師藏者誰沈生習之弟立之兩生家住山水窟森森伯霜與
仲雪好山好水情爲移難弟難兄才亦埒苦嘆應劉不永年
正是黃農嗟沒日滔滔兮逝水見不祿兮奈何痛家國之不
造兮從箕尾於岷峨謂荆齊
尚書天道甯可論畫篋空摩挲摩挲
憶曠昔嗟余頭已白隴上歸來君父兄先後黃壚三太息山
中猿鶴話昔游洞天如故市朝易吁嗟乎畫裏湖山劫後塵
問津難得耦耕人從來流水高山窟可寄天荒地老身況君
無限孔懷痛開卷臨風噉然慟一幅鵝溪慘澹痕無聲中有
池塘夢詆蕩修門若下招持此聊作楚些誦

和叔彥太史韻

詩
卷
三
泰谷風回不覺尖高懷冒染一塵纖臨池草色侵書帶繞屋
荆華接畫簾學有諍臣如聖證心惟淨業卽楞嚴謨觴同謝
岷源下江出爲沱自漢潛

卓立浮圖已到尖洪鐘欲叩寸莖纖道尊稷契頻揚解體歷
齊梁況織簾五緯殷天河嶽配六經墜地扞城嚴頽觴且莫
歌如燬會見多魚頌在潛

叔彥出其姪松喬所藏李蘇鄰先生遺札屬題松喬爲先生
孫壻得之於其家也卽用叔彥贈詩韻

斲輪神妙到毫尖望輻能知掣爾纖渾脫尊前疑舞劍虺隤

輿下憶褰簾平津車廐空傷逝下瀨樓船未解嚴

咸豐庚申
先生避兵

山都門間關至鄂寄率長沙始應胡文忠之招赴英山戎幕
文忠旋薨於軍次家憂國難至擢目眚此十紙中流離蕩析

之狀言世有桓譚搜醬瓿豈惟家祕與山潛

夔巫回首萬峰尖鄭重田園語至織幕府文書方秉燭 宮

庭 恩遇際一垂簾先生從軍及登方面皆在穆雲煙散

落家書在水月觀空梵網嚴先生晚年耽禪悅急就奇卿私

淑艾蘇門我亦視文潛先生介潘文勤師訂忘年之契以章

矣余不能書而先生期許之良厚

忽忽已老十指如槌良可慨已

南潯張石銘孝廉介藝風居士以適園書目見示延至海上

纂藏書記滄海橫流典籍道熄不意晁陳之學猶有人問

津也喜賦一律四疊前韻

翕然芥子契鍼尖羔雁何須厭篋纖津逮書林原有舫樓居

卜肆譬垂簾宋塵竊愧非思適臯廡相依有鄂嚴得似小山

堂上否藏家重見趙東潛

再和叔彥太史韻

可園松竹削青尖碧草如茵茁地纖勸學車旂開府節

謂陳伯平

中分齋絃誦講堂簾君恩頂踵酬寧惜師道蹢迹距必嚴孺子滄浪歌不遠高明有造況沈潛

雙槳橫塘刺浪尖瓜皮艇子兩頭纖停車問字春風座薤燭
讎書暮雨簾山藪早深藏疾慮藩籬猶冀設防嚴汨陳又際
堯初政白日驚看罔兩潛

盎然道氣溢眉尖一貫兼通萬彙纖淵默雷聲南郭几空明
月影北窗簾鳶魚靜驗無言表鴻鵠高翔不惡嚴

謂答書無
御聘事

限冬青故宮淚梁髯風誼過唐潛

寒想詩肩登益尖挑燈細讀雨廉纖鵝膏鋒試無留劍蟬翼

賤疏恰似簾棲遁名從蓮社逸推敲律比杜陵嚴逃禪我已

遊方外坡賴之間有道潛釋道潛宋詩僧即參寥子

邃盒前輩見與叔彥贈答詩亦以一章見示再賦兩律奉酬

仍疊前韻

長城賜倒一犇尖洗盡鉛華綺語纖關隴毗連千里驛晉秦

分峙兩重簾君典關中試山西亦借陝關試士內簾外場均

唱之什流傳至煎茶試院珠璣妙聚米封疆鎖鑰嚴鵝首豈

知天已醉拂衣林下志歸潛

河上宣防宿更尖君使旋卽簡放開采風豈僅尚溪纖君

史同典郡汪蘭楣太旌麾梁苑仍持節觴詠繁臺正捲簾金鑑

考求三策便繡衣頌下六條嚴白鷗浩蕩知機早奚事郊卿
復壁潛

題沈節母楊太君湖山介壽圖

沈幼卿太史之母也

漆室難忘卹緯勞瓊筵且莫醉蒲萄閨中絳縣稱人瑞湖上

青山避世囂三日板輿爲母壽一枝藤杖伴兒曹

太君以百錢買藤杖

一枝付太史曰會見汝携此杖也

毗嵐不到金仙界千朵蓮華放白豪

聖善循陔補逸篇郎君詩以乘韋先

太史先自撰古詩百韻爲壽

故鄉角

忝中天節穹巘寒松太古年仁者壽如無量佛浩然歸矣小

遊仙褰衣直上韜光頂猶有題名洞壁鏤

太君登韜光絕頂共七十級健步如

飛

佩鶴前輩出示新詩並招近局敬賦兩律奉酬次集中和歌

伯齊農部韻

同里才名大小秦後先鷹隼出風塵我師愚叟居河曲君痛

難兄贖穎濱

長公芍船大令去年歸道山君有輓伯兄四律又有唱和詩

林下農書搜蔡

癸寰中戰略問莊辛冰霜且莫嗟遲暮九九寒銷漸到春

織罽車茵自大秦雕輪共駛陌頭塵結鄰終俟還家日避世

依然率土濱志在桑蓬同值酉

君與下走皆以巳酉生

氣投薑桂不嫌

辛白頭各有司香侶姊妹花開一室春

是夕君與如夫人同車滋止余亦携劉姬

赴約隔室行觴各爲賓主兩姬皆出自東陽猶昆弟也

題方綬之小影

喬柯葆歲寒凌霜有奇節此真高士圖矧見徐黃跡

築室靈巖山下村居何似城居莫謂臣門近市劫塵不到吾

廬君先卜宅於濱上靈巖山塘遷居城內
壬子之警鄉閭風鶴惟城居尙安堵

安隱槃陀坐一卷得言忘象意忘筌十年一覺揚州夢松下

清齋作散仙

君久客廣陵以鹽笑起家

臘八粥再登前韻

鴉首當年未賜秦 雍和宮事溯前塵 帝京風物祗園裏

客館情懷歇浦濱 饘羹未堪忘慧苦

蜀姬不食蕙苦故以此諷之

飣盤且

共獻椒辛艱難猶在蕪 蕪日建策何人繼奉春

嘉平望前二日假裝將發佩鶴前輩寄賚新詩二首既蒙賡

和兼以贈別再次前韻奉酬

漆書汗簡出先秦 手勘丹黃若埽塵 攜杖行吟蔽蕨野登車

待發萊葭濱 漢家火盡逢剛卯 燕市金多笑劇辛 只合旗亭

拚醉倒梳田新醅到頭春

譚世文章正劇秦屏居官邸庚公塵隱義綈帙東臯麓早帽

藜牀北海濱老去詩篇闕刑尹近來詞客數姜辛

謂蘇軾有又
燕請君

梅花消息家山早獻歲前頭已發春

嘉平望後一日似裝回里登車口號六疊前韻

越人肥瘠不關秦塗炭衣冠頃洞塵縮地軌聯津浦路極天

水接澱湖濱鶯聲駭遞催旁午雜事荒唐炫秘辛何似輶車

安隱出鞭絲遙指玉關春

余度龍拔部而至肅州漢之酒泉
郡也嘉峪關距城僅百餘里西望

玉門千
里而還

自海上歸寄佩鶴都護七八疊前韻

一家懸楚暨游秦同侍清光

上苑塵

謂秦初
昆仲

豹尾班隨香

案吏龍髯淚灑鼎湖濱車攻吉日思庚午篋衍遺聞識癸辛
莫謂今年無甲子江南江北一齊春

海上相逢共避秦朝衣猶帶舊緇塵鵲鴿句尙留齋壁

前年舊恨

川時郵筒唱和用鴿字韻贈什尙什襲筒中

鵲鴿語終應水濱桑扈待看耕出卯

桃蟲還慮螫求辛旗亭獨有嚶鳴侶鷺燕相隨鵲早春

君以拙藁

有姊妹花開之句戲演本事詩一律見答以戲及之

立春日九疊前韻寄佩鶴前輩

皇華驛路憶經秦道輟年年颺麴塵浮白飲從金谷後踏青
游埃石湖濱瓶華興勒催萃甲鼎實香焚雜芷辛想見建章
千萬戶桃符依舊換宜春

乙卯

佩鶴前輩和詩述都門舊事鎬飲雒讌宏我漢京讀之亦慨

然有懷舊之思再呈一首十疊前韻

渭陽車乘不忘秦珠履平津憶接塵君為儒文勒師宅相下走假館傍喜齋時過從

其秋禊江亭蕭寺麓春明坊宅玉河濱選樓作賦羣推甲者大

翰詹君以一等第二秀野編詩未斷辛顧俠君元詩選世所有者自甲至辛入集

名峻拙侍講學士然自有壬癸兩集但傳本稀耳君詩亦日新而未已也細柳新蒲前日事那堪重問帝

城春

新春感事十一二疊前韻

東西各自帝齊秦百六飄回舊劫塵帷劍登壇盟夾谷樓船

出海下橫濱風聲草木疑藏甲月象苞符際伏辛庚仲翔易納甲圖月

十五日盈辛申正朔閏朝渾未定兩頭春後豈無春去歲正月十二

十六日退辛

月皆有立春節
俗謂之兩頭春

贈策何堪易視秦輶車突起馬頭塵縱橫蠻觸環球外曼衍

魚龍碣石濱

一作名山近接華不注絕塞通鄰哈爾濱

革政天門逢卯酉

後漢書郎顗傳

引詩汎歷樞日卯酉爲革政午亥爲革命神在天門出入候聽偃兵武庫禱庚辛歲星且莫求多福東后蒼靈德在春

和曹叔彥太史韻

不爲良友棄肯學次公狂落日頻睎髮臨風欲斷腸閒居聊養拙素位但安常且喜梁高士相莊有孟光

遜世君无悶橫流國若狂鄭虞傳易髓夷惠澹詩腸絃緯甄中候清齋學太常冥鴻幾朝士珍重數同光

立春後三日

客臘二十一

積雪初霽午曦穿牖忽聞巨雷一聲破

空而起今年正月十二日又雷雨一晝夜非其時也世難
未夷天變可畏作長歌以紀之

秋一物華卽爲異春一物枯卽爲災異哉獻歲首餞臘先聞
雷而況飄風凍雨先霰後雪紛紛颼颼何喧逐白戰塵作霹
靂響赤爍怒照琅玕堆層冰戔戔積如阜閃電燁燁天門開
簷瀑一尺下垂飭晶瑩化作青瓊瑰密雲匝日爭出踰烏
欲躍還徘徊父老駭相告我生嬰覲今于思雨暘時若寒暑
節天之生物栽者培冷風浴畀土始撥春陽百卉蘆根芟曷
爲春行夏令更秋令炎官白帝相追陪卧者閉門聞失飭迺
爲澤腹融流杯颺氣方至消寒勒曙色欲動終風霾茲日何
日歲在乙卯攝提貞斗魁鴻範五行具占驗其理深遠難可

推天心仁愛大示警務令張皇耳目驚愚駭風伯前驚雨師
後催如霆如電爲颶爲飈雲旂下閶闔霆鼓砰挺垓四時之
氣浹辰集百昌之彙崇朝推馮夷腳踏海波立共工頭觸天
柱頽陰陽爐炭共一冶化工鍊出昆明灰譬如熊山岬野振
旅出柁鼓一震饒吹回廓清塊圯萬籟息依然天清地甯無
纖埃嗚呼太史觀象今無臺但聞南河之南箕山之陰謳歌
訟獄歸乎來寅亮天地皆賢才歲書大有歌康哉

疊前韻

乘韋十二早輪秦我似弦高拜下塵

先後拙藁就正亦適有十二首

結社更

從桑海後移家還住菊溪濱卮言遑問儒兼墨壺隱惟借勒

與辛篋中有煙壺數事趙益甫再置閒詰云燒料鼻煙壺乾隆以來巧匠刻畫千名百種咸稱曰皮最著者曰辛家皮勒好待草堂人到日新泉共試碧螺春

同谷歌聲直到秦麻鞋相與拂征塵鱸魚早日思林下鷗鳥
同時集海濱太華削成齊太乙高陽誕降嗣高辛機雲今見
君門第爲報題詩樂正春雲間耿伯齊農部建二陸草堂出詩此次和韻
卽其首唱也

上元日祭影堂感賦十五疊前韻

底須五時盛言秦拂拭丹青隔歲塵鐵鎖星橋元夜節畫船
露井舊時濱先祖墓在紫石山先大夫暨先叔奉政公祠每歲塋墓泊露井濱登岸家傳禮

學張曾子室有宗彝好父辛見積古齋鍾鼎款識三字南陽阡乍表先

臣同戴澤如春寒家郡望出南陽石湖先墓援漢書原氏之例題曰南陽阡

靖日收先影禮成再賦十六叠前韻

東西阡陌自開秦五十圭田化作塵斗粟皆輸鄉井稅銅筆

但采澗溪濱寢門合識悲辰巳

先大夫棄養在光緒七年辛巳

兆域藏形

筮乙辛

紫石山先墓卯山酉向兼乙辛三分

差喜先疇還未墜桐芭柳穉故園

春

再和曹叔彥太史仍叠前韻

正法如龍象狐禪孰敢狂黃圖開指掌丹篆夢撐腸俯仰心

無作飛潛道有常再興周漢日明哲頌宣光

杜工部北征詩周漢復再興宣

光果明哲

滔滔嗟莫返手障百川狂竹箭圭璋器梅花鐵石腸秦阮留

伏勝蜀統正蕭常大道因文見巾箱萬丈光

正月十三日 皇上初旬萬壽杖序太史有詩祝 韻謹次

其韻

自脫朝衫後詩狂更酒狂靈萊 沖子頌葵藿野人腸潛邸

時遵晦靈臺法守常

如用新歷歲月日皆不同自古帝王聖賢降之節無可據依何典禮之有

春燈今夜後燭火息微光

述懷再疊前韻呈叔彥

六龍嗟失馭百犬吠聲狂降辱餘衰髻歌呼尙熱腸心空神
木滅道在學何常大暮何時旦高邱望曙光

題鄭建東巖尹

嘉立

小象

五羊仙人昔招我煙波如鬢珠江舸海天一雨便如秋欲詣
清談惟君可蕭寺風幡墮蕩搖藥洲雲氣氤氲鎖十年兩度

尉佗城飽噉荔支三百顆結客當時尙少年白頭有約待歸

田一官不調金門隱萬里長歌隴上篇隴上嶺頭不相見梅

花消息空傳徧邱園束帛憶飛來悔未躬耕井田硯

廣雅書局搜羅海內方聞之士校刊羣籍其中有廣廈九間仿井田之制昌熹妻辭嘉命至今猶愧負公知此時

寰海猶安流君家阿兄微管傳籌海文章光屬國立朝意氣

託同舟竊幸林宗附元禮常從長公問子由世變滄桑難可

量輝海歸帆幸無恙歸來卻掃各掩關未登君堂見君象劫

後相逢事已非修髯如雪神猶王君兄海東作寓公黃農一

曲歌未終二勞山畔風波惡迴雁天邊果有峰迢遞重瀛浮

一簞歎嶠峴節傲雙松白髮滿頭垂過耳兄弟貞元舊朝士

此是南山園綺圖莫作尋常行看子

觀落梅有感和叔彥韻

故枝辭不返風雨夜來狂
飄飄度真仙劫離魂倩女腸
陰晴三日變榮謝四時常
數點留天地孤芳葆吉光

未結驪人佩花中一古狂
金丹思換骨玉壺合充腸
泡露形原幻風塵跡豈常
孤山遺世早晚節託隨光

去歲奇寒梅蕊不放叔彥賦詩志悼次韻二首

春風吹不放顛倒惜花狂
獨抱淩寒骨難諧附熱腸
雞談同不睡鶴警爲非常
一樣黃昏月空懸玉宇光

九九寒銷未枝頭雪尙狂
病餘顛顚骨望斷轆轤腸
舒慘關天運炎涼反物常
無虧昭質在中有瑾瑜光

仲春之朔束裝赴滬留別
蘧翰前輩叔彥太史仍疊前韻

窮途且莫哭轉歎步兵狂避地間關日懷人繾綣腸榛莽嗟
國變菽粟慮家常風雨天如晦熒熒炳燭光

絡繹如郵置聯吟興欲狂帶談霏麈尾劍氣淬魚腸舊學知
加密新年祝勝常伯通橋畔宅松竹湛清光

避地海濱與佩鶴前輩唱酬甚樂歸後得書過自抑損作志
媿詩見示夫惟大雅卓爾不羣何有所謂媿者如下走之
東塗西抹斯可愧矣再呈一律敬矢服膺十七疊前韻

西行無記媿三秦沈約車前拜下塵金馬幸隨詞館末銅龍
高築墨池濱君家有銅龍館集帖石尙存願從始一推終亥何敢論甘蹈

忌辛邊笥便便皆在腹祇須汲冢發師春

到滬呈佩鶴前輩十八疊前韻

呂相空言詭絕秦譁然徒益聞聞

中日有違言到時適逢張園開會議拒船來諸

品

龍邱祇合逃巖穴蜃市由來幻海濱留可橫肱眠嚮午野

多被髮讖微辛門牆願附童冠列風俗從游近暮春

佩鶴前輩倣松陵唱和之例取新舊諸稟集編成帙又作詩

歷叙今昔情文相生讀之益增友生之重敬和一律十九

疊前韻

六國連雞共入秦開天遺事話蒙塵荒郵同出沙河畔淨土

還依法海濱

龍王廟在德勝門外庚子秋同避地於此

敵愾無師歌棄甲扈鑾有

店過長辛隴臬閩海歸來日慘慄冰霜又到春

松郡普照寺陸士衡故宅也耿伯齊農部卽其中建二陸草

堂徵詩紀事爲賦五言一首

吾黨耿俠游雲間振奇士自比樂正春

君因病足以樂正子春自況

媿非

安邱子拂衣事躬耕潔身桑海裏平生尙友心
睽懷在桑梓五茸論文章椎輪典午始江東有陸生
天衢二龍駛後來幾社賢陳夏皆踵起所惜三世將
終乖道家悵河橋功未收一戰鼓聲死萋菲孟玖讒
慷慨孫惠誅至今兩頭屋莫訪洛陽市惟茲古道場
昔爲釣游里陸沈嗟闇朝香火依釋氏異代託神交
宗風參佛理傳芭歌招魂塞蘋薦明祀近瞻鶴灘亭
遠弔鹿苑壘靈兮歸去來修門故鄉是

和曹遠庵前輩六十自壽詩韻

著作承明數孟堅摩崖高處勒燕然一峰獨秀題名地
三輔分曹校士天星渡蒲津雙節合月移桂海一輪圓

君先奉使粵西繼典

山西試是年因奉詔之難
關中興頌金城遍回首西征共十

晉省停科借譽關同武
年君入關時昌熾
亦奉使在隴

山色河聲四境幽宜房築就況安流
君以詞臣簡授
關歸鄭許道鄒枚詞

賦開梁苑鞏洛謳歌繞庾樓善政六條期盡舉榮光五老適

來游三公自可平階進王掾當時尙黑頭

籌筆無如國步艱藪醢且託季鷹還機雲家有東西屋求點

人稱大小山養性身同元鶴壽忘機意共白鷗閒行仁卽是

延年法何必金丹爲駐顏

因話今如問趙璘成鳩泰上古逾新寒松健質偏宜夏常棣

穠華正及春藤杖偶携靈壽便藜牀不厭幼安貧我來倘附

香山後九老中間着一真

甲寅十一月吉日叔彥太史續娶禮成作詩言志敬次原韻
雞籠館在最高峰儒行諸生仰次宗季女有齊偕采藻宛童
何幸適依松韋平門第占鳴鳳管樂襟期得卧龍想見小窗
同讀易研朱點處露華濃

雞鳴回首寢門時白髮青燈憶課兒禮服曲臺輝佩黻樂章
孔壁奏金絲銀魚應制文無忝玉燕投懷夢有期詩到清風
是佳句豈惟黃絹有新詞

荆布奚煩玉鏡臺少君共挽鹿車來韋家絳幔周官學王氏
青箱謝女才洲上木奴焉用橘山中仙侶恰宜梅上頭夫婿
金閨彥況自明光執戟回

班史曾聞續父兄講堂車服配桓榮鸞絃鐸爾調曾瑟苑酌

依然返趙甦爲治蘋蘩賢自輔共嘗被葢聖之清一陽來復
天心轉璇閣良辰慶禮成

和劉雅賓師七十述懷詩韻

待詔承明尙少年元成世業嗣韋賢蓬萊藏室紬書地祿簿
封軺校藝天夾袋英才喬嶽秀扶輪正學扞城堅 詔求奉

職修身吏所紀循良似馬遷

師在詞館一典陝西試外簡福建延平府丁內艱起復改放四

川叙州府
署綏定府

武夷山色錦江波兩綬腰間髯未皤楊僕樓船鏡吹迂文翁
石室誦絃多棠陰澍雨連閬蜀蒔屋宣風比鄭阿樂職中和
歌未沫但勤撫字省催科

避地當年浩劫更蟻磯百里渡江程比鄰學舍流鶯宅水繪

園林射雉城

昌熾童時侍
庶與師寓廬僅隔一牆遂受業焉

先大夫避寇如皋賃

席帽羈疏

終上第木瓢眞率自長生歸田師弟皆無恙白首青山共締

盟

同學鄒詠春前
輩亦逾周甲

撰杖階前風雪寒長安花事後先看十年不調金門隱萬里

相聞蜀道難

師甲戌入詞館丙戌已丑昌熾與詠春繼之

魯殿靈光今共仰商山

高節晚逾完行仁自有無疆壽龔召從來政尙寬

題顧南雅通政胥江送別圖

有序

通政與陳仲魚黃堯圃夏方米三先生同上公車所作畫

者錢東塾石橋也銅井方伯藏此圖歸道山後六載哲嗣

聰生同客滬上攜示屬題蒿隱同年先有七絕四首追次

其韻

同是 先朝執戟臣白頭海土作遺民披圖恍對樵陽籍豈

獨吳羹是古人 在都門時與錫井巢隱雨公暨蒿隱同年過從最密今皆墓有宿草矣

萬里滇池持節去青蛉水向葉榆流吹君直上蓬山路五兩

輕帆一葉舟

何似仲魚津逮舫白公隄上訪奇書 仲魚先生自製一舟顏曰津逮舫見士禮居單

行本吳志跋 羽陵姓字人閒在不等長卿賦子虛

女牆臨水柳依依共祝春風及第歸今日長安花似夢點頭

何處有朱衣

題宋夢仙女史遺畫

建霞之女弟子也著有天籟閣詩文稿歸許幻園早卒

丹青慧業本天成私淑何妨託子京 卽指天籟閣 認取江郎一枝

筆門生門下女門生

賀劉翰怡京卿新第落成

新巢燕子賀雕梁海上今瞻履道坊
陂住凡亭樊氏宅山園別墅謝公鄉
門前列戟探金社階下眠琴置石牀
我是羊求三徑客接羅倒著媿疏狂

校讎家學向歆承鎮庫牙籤富羽陵
別啟一廬藏宋刻略依

四部錄吳興梓桑殘佚搜談鑰

君新刻宋談鑰吳興志

梨棗精良過畢

昇此是靈威眞秘府豈惟築削頌登馮

芸巢前輩有詩寄懷次韻奉答

稷下鄒夫子名高著作林曹褒同學古

謂叔彥太史曩在存古學堂同主講席

鄭曉善言今處士囊中穎良材爨下琴
滄浪歌一曲不負濯

纓心一作風塵經拂
拭不負樹人心

海內留殷獻無憂吾道孤詠歸狂士志導引列仙圖精舍三
長物扁舟一釣徒靈巖登眺未香徑有蘼蕪

芸巢憂生念亂憔悴致疾詩以廣之仍次前韻

世事如棋局清談卽語林後人猶視昔昨日豈知今有酒便
攜鋪無絃仍撫琴莫嗟雙髻改最好是童心

聞道長安客嗟來等給孤養生中散論行樂上河圖自秉巢
由節焉知舜跖徒甌中猶有粟可做范萊蕪

題董小宛小象改七蕪畫先有郭頻
伽題二絕句聽生藏

樂府無人續昉思長生密誓阿誰知寓言十九感甄賦試讀

清涼讚佛詩

桃葉當年打槳迎梅盒影事不勝情披圖今見春風面不信
雙成在玉京

芸巢自祭文後又自題絕句一首卽次其韻

寂寞爲郎揚子雲劇秦尙有美新文西臺記與河汾集珍重
千秋視典墳

意猶未盡再題二十八字

狐貉人間共一邱本來生死等浮休願天不絕斯文種安隱
青門住故侯

芸巢又用前韻寄貽二首仍次韻奉答

不爲西州屈中原有杜林遺經常抱古關史竊傷今單絞岑
牟鼓高山流水琴豈惟棲遁志憫世有深心

羣疑終莫釋載鬼筮睽孤野有歸山操朝無負辰圖龍蛇方
起陸鹿豕可爲徒客至呼童埽羊求徑未蕪

三疊前韻和芸巢

退筆將成冢談詩共入林黃農遙望古杞宋足徵今高挹浮
邱袖偶彈梁父琴井中他日史耿耿所南心

松爲歲寒友桐在嶧陽孤獨寐樂邁樂同游笠屐圖小山招
隱士古廟訪司徒病起觀濤筆崢嶸妙不蕪

芸巢寄贈華嚴行願品石刻及甘泉鄉人暴書雜記賦謝二
律四疊前韻

普賢行願品法苑闕珠林刻石珍逾昔傳鐙續到今四輪原
梵網百納亦囊琴

可入百納帖第三集此是安心訣空諸所有心

六載經秦火流傳本已孤枝餘今有略爾正古成圖

記中有姚之麟

繪爾雅圖屏守遺斯老於癡得我徒深寧千載後學圃埽榛蕪

輓鄒詠春侍講

同是滄桑劫後身谷音月社兩遺民兒時鐙味當逢亂

童年避地

如皋與君同學

老去盤餐但率真柱下輒從安國問田間喜結道鄉

鄰濯纓未竟滄浪詠三載皋比一剝塵

憶共趨朝想玉珂天人三策在鸞坡巍科豈藉今爲重勁

節還當晚不磨東壁圖書香案近西江衣鉢盡臣多

謂胡瘦唐侍御

李梅庵方伯皆君典試章門所取士

君恩猶繞江湖夢夢到承明與馭娑

裨海非無大九洲怪逗初未述先鄒拜辭北闕還初服獨

傍東皋繫釣舟高蹈最宜鄰梵域

君所居鄰寶積寺

明夷方待訪梨

洲道銷正值燔書後又弱青門一故侯

白雲萬笏倚巔岈

元和相國南旋君共游天平歸病始篤

泣下新亭慘不歡三

后龍髯攀未遠一官雞肋棄何難詩成我亦思焚硯論定君
今日蓋棺聞道飾巾將去日舉頭猶自望長安

松江耿莢庵太守身行萬里圖亡於兵燹詰嗣伯齊農部從

余游補繪徵詩敬賦二律

汗漫雲閒一鶴翔枋榆冑共鸞鳩搶書楹汲冢藏親舍畫舫

清河住壻鄉

先生幼時嘗隨父衛輝公任又入婦翁張溫公祥河幕

五嶽歸來皆培塿

九峰佳處足徜徉邀遊八極渾無覩卻笑長房縮地方

山川阨塞盡周知劫後丹青付畫師聚米恍聞新息論吹笙
更補廣徵詩家風好時傳弓冶世變神州歎奕棋莫謂桑蓬

無遠志鯉庭雙髻已如絲

題耿伯齊小象

黃酒長安市上眠揚塵三度見成田鏡中留得鬚眉在六十
平頭又一年

津帆溼雨隴雲飛拂袖歸畊共息機羨煞江鄉風味好鱸魚
作膾紫莼肥

電石能傳阿堵神貞元朝士葛天民雲間本有先賢象蕙帶
荷衣示後人

鬱律蛟螭墨海嬉過庭書譜擅臨池白頭師弟無餘習但爲
論書一解頤

扁舟欲挂五茸帆鑽紙枯蟬老尙饒簣進牙籤吾未見煩君

津逮積書巖

五都封氏藏書甚富世勘有知者輯有寶進齋書目

丙辰

吳節母詩

節母夏氏吳公茂勲之室而翼亭先生之母也翼亭孝於親有才諳歷佐州縣幕以能治劇聞然諾不欺卓然誠篤君子也以烏程周君文鳳所作啟來徵詩敬賦四章

嘉耦終天別遺孤曠世才德鄰依殿直

所居在吳殿直巷

賢裔衍州

來畫荻名終顯磨笄誓不回宗周今隕矣恤緯有同哀

躡履諸侯客才堪了十人敦槃相結納籤牒亦經綸理劇如無事亭疑若有神宗資惟畫諾肝膽照輪囷

桑下曾三宿盤谿十畝宮荒莊猶遡陸廣厦夙依馮

君管理女普濟

堂附錫類堂在盤門新橋巷舊爲陸家花園馮林一師主其事並開郡志局其中呂熾時甫及冠卽橐筆於此亭池花石憲憲然猶在目中自林一師歸道山後來者非其人四十餘年叢爲弊藪君至而廓清之君去而老婦謳思之歸慈氏虛堂慰蓋公謂宗加彌大令孝思原錫類悱惻有深衷

循陔皆母教聖善播徽音冬霰寒松操春暉寸草心牛眠阡待表龍戰陸方沈留得綱常在千秋女史箴

曹太恭人壽讌詩

有序

丙辰四月二十二日曹君直之母馬太恭人八十正壽昌熾辛亥以後閉門卻掃不預觴祝但如太恭人微猷懿燬式昭管彤夔一中翰稟承母教但以雅言娛親敢援下泉悵歎之義竊附中壘頌圖之後

繫余志學時定交管操效爲我談扶風師丹老未忘受經南

園翁

謂陳碩父先生太君之父遠林先生師也

從軍北府將溯自新息來文武才

兼長吁嗟寶塔灣不殊壺頭瘴一戰歌國殤裹革未歸葬閨

中有大家女宗夙所仰劉氏營墨莊周官述韋帳有子漁仲

才校讎略手創籀書承明廬遍窺名山藏佚禮搜曲臺晚書

訂大舫盡刊三豕訛不辭一鷗訪神州嗟陸沈世方丁板蕩

拂衣出國門歸慰倚閭望茸城近尺咫蘭臺載兼兩枕茆積

書巖飄搖津逮舫天步雖云艱高堂喜無恙舞綵逢令辰恤

緯抱微尚鬱鬱春陵鄉炎精衰更旺中興儻可期上壽亦無

量貞下起元時老來復丁壯忠孝家之肥康亶壽者相

梅隱詞丈七十初度賦詩述懷依韻奉和

同住春明二十年還山又結遂初緣桃潭故宅三分水薇省

新詞萬選錢削迹閒從蓮社後論交憶在竹林先謂薇軒祝延

我亦如廉范但少天龍一指禪君在都下高足錫山廉君惠卿曾繪無量壽佛象爲君壽

其時君不過五旬世尙承平自今視之不啻龍漢以前事

劫餘重返釣游鄉袖手何嫌代斲傷論著養生中散癩詩呈

祝嘏小奚忙席間杖履翁新熟天上觚棱飯不忘朝士貞元

今有幾巍然一老是同光

題翁文恭師尺牘冊後共十六通皆與汪那亭師

林下師生甫及申龍門天半望嶙峋尙湖山色鯉谿水不染

昆明劫後塵

前有平原後道州槃筋鬱律走蛟蚪未知海內談碑客猶有

當年恣蠹不內一通有云海內談碑之客惟恣與蠹恣謂恣齋中丞蠹謂西蠹也

好慘廢簾撥寒灰五色雲迷故紙堆獨有元亭淪落客問奇

難得赫蹏回

文恭師不輕與人翰牘目熾著錄門牆踰十年未嘗被一牋之賜又聞師每作一札輒再三易

稿其子弟往往從破篋中拾而裝池之

潘太君六十壽讌詩

鶴庭同年之德配早寡苦節子承謀官內閣中書農工商部員外郎

千里驅車向大梁親庭色笑道塗長夷門廣牘攜初返漆室

寒燈痛未亡

辛芝年丈官彰衛懷道鶴庭舉其婦從官歸而感疾歿

三徑敢荒陶令宅

重闌況侍鄭公鄉

謂太年丈西園先生尙在堂

摩笄四十年前詠今日萊

衣慶舉觴

比鄰巷續近相從同里欣聞有女宗都下人才依廣廈河陽

夫姥仰高峰新枝薇省方棲鳳老榦松堂又化龍三度蓬萊
清淺後城臺甲子一周逢

題松陵金節母風雨勤斯圖

節母汝南袁氏歸於金遭家難撫遺孤成立孤祖澤

號硯君

追懷母德繪圖徵題而家庭骨肉之變有不能質言者題
曰風雨勤斯漂搖毀室有餘感焉

三復鴟鴞什哀哀共蓼莪瀧岡文士誄漆室女貞歌芳草還
遺種喬松不改柯未堪家難述拂紙淚痕多

內諱春秋義蕭牆痛伏戎報原恩罔極思與孝無窮劫火毗
嵐後橫流砥柱中璇闥有嬰曰煒管照垂虹

題天寥先生遺象

亳社值鼎遷逸民各有史委贊登其朝上天下澤履禹稷顏
不殊易地則皆是先生食明祿自爲明處士皋亭鄧尉開秋
霜涅不滓運會豈有常五德遞終始當王者爲貴閑位盡覆
紫迢迢三百年追論種族恥華戎但節說要非春秋旨不見
秦故侯種瓜青門裏逢萌與薛方新室微不起彼此各一時
忠孝無歧軌吾宗弁山來舊德有名氏翼哉天寥翁高懷邁
園綺一瓶與一笠行腳隨雲水終古在三義流波激頽靡

覃谿學士 四庫全書提要稿本歌爲劉翰怡京卿作

蘇齋學士承明筵校書經進日育篇星精下燭夜不眠閉門

著錄思覃研亭疑學案平不偏與兩文達

河間儀徵

相後先溯昔

盛時際雍乾海內文物歸陶埏 天祿琳琅宛委編崇文總

目體例沿次者明鈔上宋鐫繆衆詰屈摹印鮮閣裝葉葉迴
風旋謁者陳農奉使還訪書歸獻 聖主前鴻都門下車闢
咽壤流謂可庫山洲大典傳自永樂年山潛家祕恣漁畋提
其要亦鉤其玄條別篇目既井然手雋目勘無烏焉卽今遺
稟卷溢千文字正定皆可傳滄桑劫火嶠南天過眼幸未嗟
雲煙山陰書法嗣晉賢盤珠錯落簪花妍蛟螭鬱律筋脈聯
國門一字千金懸得一足誇珍珠船而況二十四篋手蹟皆
完全嘉業堂在潯溪邊手收百宋皮一廬藏家不數毛與錢
子政流略開孟堅貢父七經著小箋君家墨莊在硯田得此
足徵文字緣名山之藏浮玉顛非如鑿舟夜可遷勒諸貞珉
留眞詮兼有三絕如鄭虔雙鉤其字異廓填襲以重緋拓以

甌石壽亦復如彭錢

丁巳

吳蔚若前輩屬賦壬戌雅集團圖凡十五人皆壬戌同譜是科殿撰爲吳棣華先生卽蔚若之祖也聞圖中諸老各自有圖圖各不同此圖從華陽卓文端公家借摹庚子拳匪之亂卓氏原圖已佚

廬東昔見五同圖

舊從菁隱同年處見其先明王文恪公五同圖

諸老鬚眉儻可呼

人望同舟如李郭家傳遺笏本崔盧登朝到處施行馬瞻屋於今歎止烏海上藜牀喜無恙從游我亦願乘桴

五朝遺事識

宸垣畢竟醴泉自有源清靜山居鄰畏壘昇

平朝士話貞元東遷豈必無還轍北夢相傳賸瑣言莫謂巖

阿可高卧今天下溺待公援

題張弁羣宋拓四寶

弁羣富于藏弄此宋搨四本尤爲銘心絕品去冬至求恕齋携示屬題留笥中半載矣文園消渴今年聞其病浸篤歸潯溪病中不忘結習猶惓惓問訊欲一見題字以瞑目聞之心惻力疾各書二絕以慰之

彼土胡桃種

可生異聞遠寄錦官城門池樓觀今非昔誰識

秦時舊客卿

中一帖云成都城池門屋樓觀皆是秦時口口錯所脩錯上字已泐此必是司馬錯或是客卿

字也史記六國表秦昭王六年蜀反司馬錯往誅蜀守輝錯仕秦爲客卿十八年客卿錯擊魏至軹是也

蜀事曾聞賦子雲多奇何似太沖文講堂鹽井諸名蹟一一

山川問使君

內入帖皆與益州刺史周撫論蜀事中間闕漢時講堂一段馮魚山云在全文一本之上

右十七帖

漫持遺教比黃庭妙楷臺原有典型但惜人間彈絳本琵琶

總是隔簾聽

朱西厓跋云陶貞白曰逸少有名之迹黃庭第一重搨疊撫幾乎隔簾聽琵琶矣見此正所謂

減墨迹一等者右脅

一網均為祕閣收蘇齋語但銀舟求山陰法乳誰傳得真本

終須釀越州

董文敏跋其後云黃庭經惟越州石氏本致佳此刻伯仲越州者又真籀跋云世所傳黃庭

并州謂皆秘閣本廣行人間耳此語最明白又曰越州石氏是不全本其筆勢位置與祕閣本迥不相同文敏乃謂此本與伯仲何也石照明家固多妙品而其黃庭卻非上乘又在此本下矣按真籀論書皆歸之山陰遺矩不免為王侍書所欺非篤論也

右黃庭經

無上神品亦聖品江左風流盡在茲

龔瑟人題云無上神品聖品千金之寶又曰江

左風流盡
在茲矣

一歸定庵一容甫鑒材未許俗工知

汪容甫亦有一本自為之

贊見
述學

不見中郎見虎賁鮮于志可一家論

此帖自莎廳沈氏歸于并羣韻初之子筱韻及

余門以元拓趙承旨鮮于府君墓誌為寶
此帖以珂羅版精印貽余一本皆存篋中但嫌落水王孫本

已帶風沙塞上痕

余奉使在隴霍州裴伯謙刺史出塞過蘭州出示藏帖以趙子固落水蘭亭真跡為

甲趙書十札次之

右襖帖

顏書貴瘦歐貴肥論碑先避墨豬譏臨川大字世多有小字

猶如星鳳稀

麻姑仙壇記大字本余所見宋拓三姚鳳生家不全木第一惜寥寥無多葉其次臨川李氏本

彭子嘉農部藏本

學佛何能遽亂真蠅頭雖小力千鈞新篁三跋流傳舊書舫

清河尙有人

此帖自吳東發歸于張叔未今又歸弁羣不獨漢唐草聖與懷瓘書估彥遠要錄皆清河故實也

右小字麻姑仙壇記

題朱五樓歸去來兮詞意圖

余於五樓不相識由翰怡爲介云五樓商於吳市今輟業矣自營生壙金蓋山南又築精室於苕溪之上顏其軒曰歸牧喜讀淵明詩節歸去來兮詞意顧鶴逸爲繪十二圖遍徵同人題詠分賦得二律

歸來尋壑又經邱金蓋山中事事幽自占逸民如綺夏偶邀佳客卽羊求恍從薜蘿逢寒故無待逍遙賦遠遊縛帶呼童薤榛莽小園大好作薌莪

右三徑就荒松菊猶存

黛色參天倚翠微
嶄然勁節四無依
拂衣歸後營生壙
解帶量時認舊圍
高卧北窗堪寄傲
閒招南郭共忘機
十羊九牧人間世
何似先生杖策歸

右撫孤松而盤桓

奇觚頤詩集卷下